

## UVODNA RIJEČ

Poštovani,

pred vama je osmi broj Zbornika radova nastavnika i saradnika Islamskog pedagoškog fakulteta Univerziteta u Zenici. I ovaj broj Zbornika je prilog kontinuitetu nastojanja da se osnaže zadati standardi serijske univerzitetske publikacije. Cilj ostaje isti, indeksiranje i uvrštavanje u bibliografsku bazu EBSCO Publishing-Business Source Complete.

Zbornik nastavlja svoju već uspostavljenu strukturu: Vjerske znanosti, Jezik i književnost, Islamska misao i civilizacija, Menadžment kvaliteta u religijskoj edukaciji i Socijalna istraživanja. Razvijena struktura, u izvjesnoj mjeri, odražava znanstvenoistraživačka područja unutar kojih se, najvećim dijelom, razvijala znanstvenoistraživačka djelatnost Fakulteta. Konceptualna osnova ovakvog toka je u savremenoj znanstvenoj paradigmi, kompleksnoj paradigmi. Savremena znanost, doživjevši epistemološku revoluciju, generiranu otkrićem subatomske dimenzije stvarnosti u fizici 20. stoljeća, razvija drukčiju metodologiju znanstvenih istraživanja. Time se razvija i kvalitativna istraživačka kultura. Uređivački kolegij Zbornika nastojat će da i dalje podržava autore koji iz senzibiliteta za savremenu znanstvenu paradigmu i događanja unutar nje, kreiraju svoje radove za Zbornik radova nastavnika i saradnika Islamskog pedagoškog fakulteta Univerziteta u Zenici.

I ovom prigodom, zahvaljujemo se autorima radova, recenzentima i svim saradnicima u projektu izdavanja osmog broja Zbornika, za uloženi napor i pomoć.

Ispred Uređivačkog kolegija,

Prof. dr. sc. Edina Vejo